

bhfanaticos

bhfanaticos oficijalni magazin : decembar/prosinac 2008 : broj 8



AKCIJA: MARIBOR, SLOVENIJA

Janezi, janezi baš ste čudna raja

"Violama ni traga, ni glasa"

AKCIJA: YOUTH U BUGOJNU

BHFanaticos ima budućnost!

"Youth pokazao da se na njih može računati u budućnosti"

AKCIJA: RUKOMET, SARAJEVO

Svijetla obraza na rukometu

"Odlično navijanje tokom cijelog susreta, bez ijednog incidenta"

ŽENE I NAVIJANJE

"Predstavljamo: BHFemale Brigadu"

HORDE ZLA

"Predstavljamo: Horde Zla Sarajevo 1987"



www.bhfanaticos.com www.bhfanaticos.com www.bhfanaticos.com www.bhfanaticos.com



vođa ima riječ

Piše: Sefalija Mujdanović - Sefa

- Akcija: Slovenija

"Janezi, janezi, baš ste čudna raja"

- Akcija: Youth u Bugojnu

"Youth pokazao da se na njih može računati u budućnosti"

- Akcija: Rukomet u Sarajevu

"Odlično navijanje tokom cijelog susreta bez ijednog incidenta"

Na slici: Atmosfera iz Sarajeva, rukomet Bosna i Hercegovina - Švicarska

JANEZI, JANEZI BAŠ STE ČUDNA RAJA

“VIOLAMA NI TRAGA, NI GLASA...”

Poštovani citaoci BHF Magazina,

2008. godina je na samom zalasku, a kroz ovaj „decembarski“ broj kroz par rijeci pokušat ću da docaram situaciju / atmosferu sa proteklih utakmica u mjesecu Novembru. Novembar je počeo gostovanjem u Sloveniji, Maribor 19.11.2008. godine gdje je naša A-selekcija odigrala (ne)prijateljski susret sa izabranom selekcijom Slovenije. Na isti dan BHF podmladak / BHF Youth našao se na utakmici u Bugojnu, gdje je U-21 selekcija ugostila vršnjake iz Crne Gore na stadionu „Jaklic“ Bugojno.

Ipak, krenimo redom. . .

Maribor je na dan utakmice bio u plavo-žutim bojama. Navijaci, simpatizeri nogometne selekcije Bosne i Hercegovine pristizali su sa svih strana, što iz dijaspore, što iz raznih gradova gdje su naši ljudi na privremenom radu. Kao i sve ostale utakmice, BHFanaticos je i ovu organizovanim dolaskom popratio. Okupljanje se održalo ispred južne tribine gdje smo hladnoću zagasili gromoglasnim navijanjem. Iako smo očekivali susret sa Violama, lokalnom navijačkom skupinom koja prati sportski kolektiv „Maribor“, ipak ništa značajnije na tom polju se nije desilo, što bi se u našem narodu reklo, od domaćina ni traga ni glasa.

Nešto prije samog početka utakmice krecemo u korteu ka sjevernom dijelu stadiona / sjeverna tribina, gdje su se nalazili i ostali simpatizeri Bosne i Hercegovine. Pjesmom, laganim hodanjem stižemo na naše odredište. Pri ulasku na tribinu detaljno kontrolisanje naših članova, a kako smo uspjeli saznati razlog spomenute radnje leži u činjenici da su savezi obe reprezentacije insistirali na detaljnom pregledanju naših članova i ostalih rekvizita koje smo nosili, posebice transparenta i parole koju smo bili specijalno pripremili za ovu utakmicu. Parolu, na našu sreću NFSBiH nismo uspjeli unijeti na stadionu. Iako su svi transovi sa BHF natpisom bili zabranjeni za unos, ipak smo uspjeli da našim starim metodama proturimo sve i do jedan trans, a što ste i sami mogli vidjeti na „bogatoj vizualnoj“ ogradi. Janezi k'o janezi, nisu skontali baklje pri ulasku, ali sigurno jesu tokom utakmice, kada se više puta zadimio naš dio tribine. Parola koja je ostala napolju imala je slijedeći sadržaj: „Ni bonton, ni kurton, ni prekinuta ejakulacija, da nema nas nikad ne bi Vi bili nacija!“ Ovim putem želim da se zahvalim Lalić koja mi je pomogla pri realizaciji parole.

Pored nas na spomenutom dijelu tribine (sjever) nalazili su se Belay boysi i BH Legion, koji su također detaljno „propeglani“ na pri ulasku. Postavili smo transparente i lagano smo počeli pjesmom da dižemo atmosferu. Pri inotiranju himni, već po ustaljenoj praksi otpjevali smo našu prvu himnu „Jedna si jedina“, a nakon toga kreće forcanje zajedno sa Belajcima i Boysima. Uslovi za navijanje u nekim trenutcima su bili nemogući. Dok smo mi vodili svoje pjesme, ostali dijelovi tribine su u određenim trenutcima utakmice u pozitivnom smislu spominjali ime „novog oca BiH – Cire Blaževića“. Slovenci su se nalazili većinom na jugu. Iako smo puno više očekivali od navedenih, ipak preslabo navijanje tokom svih 90 minuta. Navodno snimanje tribine nije nas omelo pri korištenju bengalki niti su policijski organi (ACAB) ulazili na naš dio tribine, tako da smo svoj pirotehnički repertoar i ovaj put uspješno izveli. U jednom momentu utakmica je bila prekinuta na par minuta, nakon čega nas naši igrači mole da više ništa ne palimo. Uglavnom, jedno solidno gostovanje gdje moram napomenuti da je bio radni da i da je brojka naših članova se kretala oko 120 ljudi, što je solidno za jednu ovakvu utakmicu. Na kraju, naše navijanje svojom odličnom igrom nagradili su i naši igrači, koji su uspjeli da savladaju Slovence rezultatom 3:4, što i ne čudi – kada su igrali skoro pred domaćom publikom.

AKCIJA: YOUTH U BUGOJNU

“Malo mlađi, malo luđi - BHF Youth pokazali da se na njih u budućnosti može računati!”

Kao što sam u uvodnom već govorio, dan dan utakmice u Mariboru, između A selekcija BiH i Slovenije, odigrao se susret i mladih nada bosanskohercegovačkog nogometa. U Bugojnu na “radnom” zadatku našla se i mlada ekipa BHFanaticosa ili kako oni vole da se nazovu BHF Youth. Uz dobru organizaciju i odlično sređen kop tokom svih 90 minuta navijanje je bilo ja zavidnom nivou. Slobono mogu reći da sam zadovoljan budućnošću BHFanaticosa.

Ovim putem, želim da se zahvalim i lokalnoj navijačkoj skupini “Vandali” Bugojno, koji su vođenje navijanja prepustili našim momcima.

Kako je sve to izgledalo na tribini, možete pogledati kroz fotografije i kratak izvještaj naših momaka.



1. Postavljamo transparent i fomriramo kop. Nakon toga počinje lagano forcanje do početka utakmice.
2. Susret počinje i šalovi su podignuti, a stadionom “Jaklić” se odjekuje prva i jedina himna naše države - Bosne i Hercegovine!
3. Nakon intoniranja himni, počinje “pravo” forcanje, koje trajem tokom svih 90 minuta susreta.
4. U 5. minutu drugog poluvremena počinje paljenje baklji, a uz bakljadu se navija glasno - čulo se i do Maribora!
5. Naravno, naše navijanje nije zaboravilo “drage” nam ljude iz Nogometnog / Fudbalskog saveza Bosne i Hercegovine. Pjevalo seo Ilji, Munibu...

AKCIJA: RUKOMET SARAJEVO

“Odlično navijanje tokom svih 60 minuta bez ikakvih problema na tribinama...”

Naša reprezentacija 29. novembra, 2008. godine odmjerila je snage sa Švicarcima u okviru kvalifikacija za europsko prvenstvo u rukometu. Susret navedenih selekcija odigrao se u sportskoj dvorani “Ramiz Salčin” Sarajevo/Mojmilo, Bosna i Hercegovina

Okupljanje BHFanaticosa održalo se na Alipašinom gdje smo nakon toga u korteu koji je brojio nekih 300 momaka krenuli prema dvorani. Tokom puta zapalili smo nekoliko baklji.

Pri ulasku u dvorani nismo imali većih problema, no nažalost zbog zakona u Kantonu Sarajevo, nismo uspjeli da unesemo koplja koja su bila namjenjena za standarde koje smo uradili specijalno za ovu utakmicu. Imali smo 30 ručno rađenih standarda na kojima je pojedinačno bio smješten ljljan.

Kao što sam naveo, zakon o sigurnosti na sportskim događajima primorao nas je da improviziramo koreografiju rukama, a da li smo uspjeli prosudite Vi sami, kroz nekoliko fotografije koje se nalaze na našem web-sajtu.

U drugom poluvremenu raširilo smo našu novu, veliku zastavu koja je takođe premijeru doživjela na ovoj utakmici. Kop je izgledao odlično a forcanje nije stajalo tokom cijelog susreta.

Sve spomenuto rezultiralo je pobjedom naših rukometaša, koji su na ovaj način, nadamo se - zaboravili sramnu igru iz Italije. Pobjedu smo zajedno proslavili upravo sa njima - igračima, pjesmom “Hajmo, hajmo na noge” koja se zbog novih gimnastičkih metoda nametala u datom trenutku.

Ovim putem zahvaljujem se “Čika” Smaji, sekretaru RSBiH koji se na korektan način odnosi prema navijačkoj grupaciji kojoj svi mi pripadamo - BHFanaticosima.

2008. godina je počela, a evo i završila rukometom. Slijedeća godina donosi nam mnogo gostovanja i novih avantura diljem svijeta.

U nadi da će nova godina donijet mnogo boljih stvari,

Sefalija Mujdanović, vođa BHFanaticosa.



HORDE ZLA 1987 SARAJEVO

“Ova stalna grupacija je brojala oko 300 mladića, a ovaj broj bi se povećavao na 1000 i čak 2000 na utakmicama sa klubovima velike četvorke.”



Sarajevo je tradicionalno imalo sjajne navijače uz čiju pomoć se i osvaja titula '84/'85. Te šampionske godine pratili su Sarajevo gotovo na svim gostovanjima, a na "krilima" su redane pobjede na Koševu. Poslije te šampionske generacije FK Sarajevo pada u veliku krizu i godinama će se nalaziti na dnu prvoligaške tabele. Ali sa lošim rezultatima FK Sarajeva dolaze godine kada navijači Sarajeva bivaju ti koji predstavljaju klub i grad. Godinama su se navijači Sarajeva nalazili na istočnoj tribini i zvali se "Pitarima".

Ova stalna grupacija brojala je oko 300 mladića, a ovaj bi se broj povećavao na 1000 ili čak 2000 na utakmicama sa klubovima velike četvorke. Na utakmicama sa Crvenom Zvezdom '87. godine kada su se navijači još uvijek nalazili na istočnoj tribini, jedan od "Pitara" ofarbao je pravu zmiiju (poskoka) u boju kluba i bacio je na klupu sa rezervnim igračima Zvezde. Odmah nakon toga "Pitari" su proglašeni opasnim po okolinu i prebačeni su na sjevernu tribinu. Upravo ovaj potez tjera navijače da razmišljaju o promjeni imena, a iste te godine ideja je sprovedena u djelo. Naime, u tadašnjem hotelu "Beograd" (današnja "Bosna") sastaje se grupa navijača Sarajeva: Kemo Lilić, Edin Čelik, Almir Pužić-Puza, Ćosić Džemal i drugi, koja je smislila ime navijačke grupacije "Horde zla". Igru slučaja na stolu gdje se sjedilo nalazio se crtani roman Zagor sa nazivom "Horde zla" što je bio osnovni razlog navijačka skupina dobije ovaj naziv.

Odmah po osnivanju uspostavili smo kontakt sa upravom Kluba sa tadašnjim direktorom Svetozarom Vujovićem. Kao rezultat dobrih odnosa ubrzo smo dobili svoje prostorije u "Cedusu". HZ ulaze u Omladinski savez Sarajeva i dobijamo registraciju pod imenom "Horde zla marketing" i registrujemo se na sudu. Putem "Horde zla marketinga" i putem članarine "Horde zla" dobijaju stvari koje će ih činiti prepoznatljivim u cijeloj Jugoslaviji, izrađuju se šablonski transparenti, šalovi, kape, majice, bedževi, a sve u cilju predstavljanja grupe u najboljem svjetlu. Od novca sakupljenog od prodaje rekvizita i od članarine dobijaju se sredstva za nabavku pirotehlike. Nezaboravne su koreografije "Horde zla" protiv Dinama (bakljada koja je proglašena trećom u Jugoslaviji), Hajduka, C.Zvezde, Želje.

U bivšoj državi, u političkom smislu, HZ se ograđuju od nacionalizma jer ova grupa je oduvijek etnički šarolika i čine je Bošnjaci, Hrvati, Srbi i drugi. Tako je i danas. Okosnicu HZ čine muckarci, ali ni broj navijača (koje se nazivaju "Kraljice zla") nije za potcjenjivanje. U prošlosti su HZ imale i svoj bend, koji se zvao "Visosti Horde zla" (VHZ).

Povodom trogodišnjice postojanja, 6. oktobra, HZ organizuju "Bordo večer" na kojem je prisustvovalo 3000 mladih ljudi, a gosti te večeri bili su Tifa Band (Sarajevo), Jura Stublic (Zagreb) i Partibrejkersi (Beograd). Kasnije se radi promocija fotografija Dragana Dj.-Straznog i knjige "Huligani" u "Crvenoj galeriji" u Sarajevu. Da su Horde Zla jaka navijačka skupina pokazuje i njihova brojnost na utakmicama Prve lige bivše Jugoslavije (znalo se okupiti i do 5000 navijača). Tim podatkom su se mogli pohvaliti samo navijači C.Zvezde, Hajduka, Partizana i Dinama.

Danas su Horde Zla jedna od najorganizovanijih i najaktivnijih ekipa u Premijer ligi BiH.

BHFF



RES NON VERBA

“Res non verba, što u prevodu sa latinskog znači: Djela ne riječi, jedan je od transparentata koji predstavlja Female brigadu na utakmicama naše reprezentacije, nebitno da li se radi i nogometu, rukometu, košarci ...”

ŽENE I NAVIJANJE U OKVIRU BHFANATICOSA

“Dok jedna djevojka smislija dizajn za nove artikle u našem BHF shopu, druga nosi odgovornost ostalog BHF shopa. Dok jedna organizuje akciju prikupljanja novca za naše sampione u sjedećoj odbojci, druga organizuje prijevoz gostujućih navijaca, a treća nam je čak na porodijskom odmoru; naravno imamo i BHF beba!

U toku 2001. godine osnovan je ženski ogranak BHFanaticosa, koje sebe ponosno od tada nazivaju “BHFemale Brigade”. Danas navedeni ograna broji oko pedesetak članica koje su smještene širom svijeta od Bosne i Hercegovine, Amerike, Australije, Skandinavije pa do mnogih drugih svjetskih zemalja.

Momcima u BHFanaticos nije dugo trebalo da vide da im fali nešto, a to nešto u tim “teškim” trenucima su bile žene / djevojke željene iskustva kao i muški ogranak. Cilj BHFemale Brigade jeste povećati ženski dio navijaca na tribini te tim putem i uvećati i ukupni broj navijaca i zajedno bodriti i podržavati reprezentacije Bosne i Hercegovine i sportaše koji dolaze iz naše drage zemlje, što je veliko zadovoljstvo svakoj od članica ovog ogranka. Konstantno smo na tribini, uz ostale BHFanaticose, nekad možda u manjem broju ali tu smo! BHFemale Brigada pored navijanja i sudjelovanja na tribinama, aktivno učestvuje i u organizaciji BHF-a, što bi se u jednu ruku reklo, praktično desna ruka muškog dijela navedene organizacije.

Rasirenih ruku dočekujemo nove djevojke, na tribini i na forumu, i svaka od nas jedva čeka prvu priliku da bih se opet sreli. BHFanaticos je jedna velika porodica, koja nikome nije rekla ne, osim onome ko to nije ni tražio. Zato nemojte stajati sa strane već nam se i VI pridružite!



INTERVJU: TEEJ

“U intervju koji je dala za BHFanaticos Teej govori o osnivanju BHFemale, ko su danas, koliko članova broje...”

BHF: Za uvod našeg intervju iskorisit ćemo priliku da pozdravimo nasu Teej i čestitamo na uspješnom radu BHFemale ogranka. Teej sta ima, kako si nam danas?

TEEJ: Cao cao, evo nedeljni odmor da ti pravo kazem. Hvala, ali na uspješnom radu BHFemale su zaslužne sve djevojke u BHF-u ne samo ja.

BHF: Naravno to već svi znamo, ali tako isto znamo da si ti jedna od tih koja je tu od samog početka. Bili nam mogla u par rečenica objasniti šta je to ustvari BHFemale, kako se postaje član / dio

TEEJ: Pa vidi, djevojke su postojale u BHF-u od samog početka, mi isto kao momci smo se priključile iz jedne ogromne ljubavi prema nasoj BiH u cilju da podržimo nase reprezentacija na naj bolji mogući način. 2000te kada je pokrenuta ideja o BHF-u u svijetu je bila jedna veoma ružna slika o BiH, ona slika što medijske kuće kao CNN ili BBC prikazuju, cilj je bio da se popravi ta slika jer mi smo jedan ponosan narod sa mnogo potencijala. Cinjenica je da je sport naj bolji predstavnik jedne države, da bi se ti naši sportisti bolje osjećali na utakmicama, da bi im dali snage da se bore do zadnjeg za taj sveti grb što nose mi smo tu da navijamo. Da se djevojke, kojih ima naravno manje od muskaraca, nebi izgubile u tom 'moru muskaraca' osnovan je Female. Ja uporno govorim uvijek, da je 'ogranak female' tu samo da se uvezu djevojke, da znaju da nas ima i da djevojkama ne bude neugodno što su tu među tolikim muskarcima ALI da smo mi BHF. Mi kao i muskarci smo svi BHF, nemamo mi neke drugacije ciljeve ni ideje, tu smo da zajedno sa momcima & podmladkom podržimo sve nase reprezentacije. Član BHFemale se ne postaje, da bi bio odnosno bila član BHFemale moras biti član BHF-a a to se postaje vrlo lako, isto kao i član BHF-a, kontaktira se vodja regije, uplati se članarina, uveze se sa curama na forumu i naravno onda idu i tekme.

BHF: Mashalla, dobro ti ovo objasni u par recenica hehe .

TEEJ: Ma znas mene, ja bi mogla o tom satima.

BHF: Odkud tebi ta ljubav prema tribini i sportu, jer koliko znamo inace vlada misljenje kako su samo muskarci zaludjeni s tim.

TEEJ: Pa ja sam se uvijek bavila sportom, sa tatom sam uvijek pratila utakmice, on je tu svoju ljubav prema sportu prenio na mene. Pratim ja i klubske utakmice i sve, mada mene u BHF-u iskreno, naj vise veze ljubav prema BiH.

BHF: A sjecasl koji ti je bila prva tekma s BHF-om ?

TEEJ: Jao to je tako davno!! Bila je to rukometna utakmica BiH-Turska u Sarajevu, nije nas ni 10tak bilo jer tad BHF u BiH nije bio bas aktuelan. Mislim da je to bila 2003 ili 2004.

:>

BHF: Da li bi izdvojila neku utakmicu koja je možda na sami ogranak BHFemale ostavila poseban utisak?

TEEJ: Mislim da uvijek dajemo 100% od sebe, i da na kraju svaka od nas ostane bez glasa. Meni je draga utakmica na Kosevu protiv Norveske, tad mi je nas dragi Souix rekao pri kraju utakmice da se sve cure izdvoje, to smo ucinile i nastavile sa navijanjem, neznam kako ali smo se cule vise od momaka. Svi su u nas gledali, nisu mogli da vjeruju da nas zotak tako navija. To mi je nekako ostalo u lijepom sjećanju jer smo tu da navijamo i to smo taj dan pokazale.

BHF: Fino je cuti tako lijepo stvari o BHFEMALE. Koliko se sjećam Madjarske i tamo je ludo bilo kad se tice navijanja i BHFEMALE.

TEEJ: Jao jeste, ma vidi mi na svakoj utakmici dajemo 100% od sebe, tu smo da navijamo i to svaka od nas radi i uvijek ce tako biti. Mi smo svi da se dokazemo na tribini a to su djevojke u BHF-u uradile na svakoj utakmici

BHF: Dosta ih sigurno ne zna, pa de nam malo ispricaj sta je BHFemale do sada uradio za dobrobit zajednice BHFanaticosa?

TEEJ: Ja ne volim govoriti o tome da su cure iz BHFemale uradile nesto, mi smo to svi kao BHF uradili, opet kazem mi smo BHFanaticosi. Ali evo naprimjer, kada se skupljale pare za sjedecu odbojku jedna djevojka je bila zaduzena za skupljanje u Svedskoj, onda nakon Marakane kada smo pomagali onom momku iz Legije isto tako jedna djevojka je bila zaduzena za prikupljanje novca. Naravno da svaka od nas ucestvuje u svakoj humanitarnoj akciji kada i koliko moze.

BHF: Naravno. Vecina sigurno zna da podrzavate rad BHF-a i da ste tu da pomognete koliko god mozete i vodji i ostalim clanovima BHF-a.

A na slikama a bogami i na ogradi, često može da se primjeti jedan veoma lijep trans Female? Ko je kreator? Kada je nastao trans o kome pričamo?

TEEJ: BHFemale ima dva transa, jedan koji je napravljen prije 2-3 godine na kojem pise "addicted to bih" sto znaci ovisne o bih, sto mi i jesmo svi, a drugi je napravljen u BiH prije par mjeseci. Nasa xy_bhf je mozak iza te kreacije ona je imala ideju a pri ostvarivanju pomogli su nam momci iz Visokog nemesis & picasso. Na transu pise "Res Non Verba", latinski za 'djela ne rijeci', a mi se drzimo toga jer nasa dijela na tribini pokazuju zasto smo mi u BHF-u.

BHF: Fino je cuti, da dobro saradjujete sa momcima. Jos za kraj mi reci kako izgleda buducnost BHFEMALE?

TEEJ: Ima dosta momaka koji nas ne razumiju, ne razumiju zasto smo u BHF-u ali isto tako ima ih mnogo vise koji nam uvijek daju bezkrajnu podrsku. Necu nikoga imenovati, oni znaju ko su i od srca im svima hvala na tome. Buducnost BHFemale je buducnost BHF-a, tu su sada neke mladje djevojke koje ja apsolutno podrzavam imaju dosta toga da nauce ali sam sigurna da ce one mnogo doprinijeti radu BHF-a. Nas cilj je jasan a ostalo su sve nijanse.

BHF: Imasli jos sta reci za kraj?

Teej: Vidimo se na tribini.

bhfanáticos

REDAKCIJA

BHFanaticos Oficijalni magazin © 2008
Broj: 08, 2008. godina, Mjesec: 12, Besplatni primjerak

IZDAVAČ
www.bhfanaticos.com

VOĐA BHFANATICOSA
Sefalija Mujdanović

REDAKCIJA
Aldin Ljubunčić (urednik i dizajner magazina)
Maida Dedić (novinar)



www.bhfanaticos.com